

## He Ngohe Aromatawai ā-Roto Mo ngā mahi whakamahere anake

**Te Ingoa o te Ngohe:** Māui Hangahangarau!

**Aronga:** Hangarau 1.2C

**Paerewa Paetae:** 1.2 Te tūhura i tētahi tukanga hangarau

**Kaupae:** 1

**Whiwhinga:** 4

### He Tohutohu mā te Ākonga

#### I tēnei ngohe

Ka tūhuratia ngā āhuetanga o tētahi tukanga hangarau nāu anō i whiriwhiri, i tautohu i tētahi ngā kōrero tuku iho mō Māui me āna mahi hangarau.

#### Te horopaki

Ko tāu mahi he tautohu i tētahi tukanga hangarau ka whāia mō Māui me tana whakapūhoi i a Tama-nui-te-rā, me te tūhura i ōna āhuetanga. Me whakaatu ō mahi tautohu, tūhura hoki mā roto mai i tētahi o ngā putanga e rārangi mai nei (whiriwhiria tētahi):

1. He whakakitenga momotu, whakakitenga matihiko rānei
2. He whakairoiro pārongo
3. He hoahoa rerenga
4. He pūrongo (ā-tuhi/ā-tā/ā-ataata rānei)
5. He whakaari

Ka aromatawaingia ngā mōhiohio kua kohikohia e whakamārama ana i te tukanga hangarau kua tautohua, kua tūhuratia hoki.

Ka pai tēnei ngohe mā te ākonga takitahi, mā te tokorua, mā te rōpū rānei. Mēnā ka mahi takirua/ā-rōpū, me āta whakarite ngā kawenga a tēnā, a tēnā.

#### Hei mahi

1. Tautohua tētahi tukanga hangarau i te kōrero tuku iho mō Māui me tana whakapūhoi i a Tama-nui-te-rā.

2. Whakaritea tō tukanga rangahau.
3. Whakatauhia ngā pātai ārahi. Koinei ētahi hei tauira, heoi anō me nui ake i ēnei:
  - a. He aha te ‘tukanga hangarau’?
  - b. He aha te ‘hangarau taketake’?
  - c. He aha ngā āhuetanga e kīia ai tētahi mea he tukanga hangarau?
  - d. He aha tētahi tukanga hangarau ka whāia e Māui?
  - e. He aha ngā āhuetanga e mau tonu ana i ā tātou tukanga hangarau i ēnei rā nei?
4. Torohia ngā puna mōhiohio. Hei tauira: ngā uiui, ngā pukapuka, ngā paetukutuku; ngā tuhinga nūpepa, maheni rānei; ngā wānanga; ngā pakipūmeka; ngā kiriata.
5. Whakatakotoria tētahi whakamāramatanga o te tukanga hangarau.
6. Tūhuratia te tukanga, ā, whakamāramatia ōna wāhanga me ōna āhuetanga.
7. Whakaaturia ō hua rangahau mā roto mai i tētahi o ngā putanga e rārangi mai nei (whiriwhiria tētahi):
  - a. He whakakitenga
  - b. He whakairoiro pārongo
  - c. He hoahoa rerenga
  - d. He pūrongo (ā-tuhi/ā-tā/ā-ataata rānei)
  - e. He whakaari
8. Whakakōnaetia ō kohikohinga katoa hei taunakitanga mō āu mahi.

Kei wareware, me āta whakarite e kōrua/koutou ko te kaiako te roa o te wā e tutuki pai ai ngā mahi katoa.

## Kuputaka

whakakitenga momotu	unplugged presentation (without digital supports)
whakakitenga matihiko	digital presentation
whakairoiro pārongo	infographic
hoahoa rerenga	flow chart